

Headline	BB1M sangat bermakna		
MediaTitle	Harian Metro		
Date	22 Feb 2013	Color	Full Color
Section	Setempat	Circulation	324,097
Page No	46	Readership	1,981,000
Language	Malay	ArticleSize	295 cm ²
Journalist	N/A	AdValue	MYR 10,895
Frequency	Daily	PR Value	MYR 32,685



'BB1M sangat bermakna'

Kuala Lumpur: "Saya seronok dan bersyukur. Walaupun ada yang kata nilai Baucar Buku 1Malaysia (BB1M) terlalu kecil, tapi bagi saya jumlah RM250 itu sangat bermakna."

"Setidak-tidaknya pemberian kerajaan itu dapat saya gunakan untuk membeli buku rujukan yang sebelum ini tidak mampu diperolehi dengan wang sendiri," kata pelajar Diploma Multimedia di Universiti Kuala Lumpur (UniKL), Nurirna Afifah Khairi, 19.

Menurutnya, banyak bahan rujukan yang tidak dapat dibeli kerana faktor harga selain terpaksa berjimat untuk menampung kos kehidupan di Kuala Lumpur.

"Saya datang daripada keluarga sederhana dan kursus yang diambil di sini memerlukan perbelanjaan besar terutama membabitkan bahan rujukan."

"Jadi, apabila diumumkan

kami mendapat baucar buku, saya begitu gembira kerana bantuan ini meringankan beban keluarga," katanya.

Pelajar Ijazah Keselamatan Sistem Komputer, Hazmie Hadri Zanal Abidin, 22, berkata dia gembira kerana berpeluang mendapat BB1M buat kali kedua.

"Kali pertama saya dapat ketika mengikuti kursus diploma tahun lalu dan hari ini (semalam) menjadi rezeki sekali lagi."

"Sama seperti tahun lepas, saya akan gunakan baucar ini sebaiknya dengan membeli buku rujukan sertaengkapan alat tulis diperlukan," katanya.

Terdahulu, majlis penyerahan BB1M kepada 180 pelajar Institut Teknologi Maklumat Malaysia (MIIT) Kampus Kota UniKL itu disempurnakan Timbalan Menteri di Jabatan Perdana Menteri, Datuk Dr Mashitah Ibrahim.



Pelajar UniKL menerima Baucar Buku 1Malaysia.